

ანტუან დე სენტ-ეგზიზარი

პატარა პრინცი



ფრანგულიდან თარგმნა მერაბ ფიჭიამ



სალაპარის
გამომზევობა

ანტუან დე სენტ-ეგზიუპერი
პატარა პრინცი

მთარგმნელი **მერაბ ფიჭია**
რედაქტორი **ლელა ტულუში**
ყდის დიზაინერი **ნათია კვარაცხელია**
დიზაინერი **ია მახათაძე**
ტექნიკური დიზაინერი **ლადო ლომსაძე**

© „ბაკურ სულაკაურის გამომცემლობა“, 2015, 2016
ყველა უფლება დაცულია

შპს „ბაკურ სულაკაურის გამომცემლობა“
მისამართი: დავით ალმაშენებლის 150, თბილისი 0112
ტელეფონი: 291 09 54; 291 11 65
ელფონსტა info@sulakauri.ge

ISBN 978-9941-23-482-8

Antoine de Saint-Exupéry
LE PETIT PRINCE

Published by Sulakauri Publishing, Tbilisi, Georgia 2015, 2016
All rights reserved

www.sulakauri.ge


ეძღვნება ლეონ ვერტს

უპირველესად, ბოლოშს მოვუხდი ბავშვებს იმის გამო, რომ
ეს წიგნი ზრდასრულ ადამიანს მივუძღვენი.


ჩემი ეს გადაწყვეტილება რამდენიმე მიზეზმა განაპირობა:
პირველი, რომ ლეონი ჩემი საუკეთესო მეგობარია. იმასაც
დავამატებ, რომ მას ამქვეყნად ყველაფრის გაგება შეუ-
ძლია, თქვენ წარმოიდგინეთ, საბავშვო წიგნებისაც კი. არის
კიდევ ერთი გარემოებაც: ის ამჟამად საფრანგეთში ცხოვ-
რობს და ნამდვილად არ ულხინს, მეტსაც გეტყვით, შია და
სცივა. ძალიან სჭირდება ჩვენი ნუგეში. თუ ეს ყველაფრი
ჩემი გადაწყვეტილების გასამართლებლად საკმარისი არ
აღმოჩნდება, მაშინ ავდგები და ამ წიგნს იმ პატარა ბიჭუნას
მივუძღვნი, რომელიც ოდესლაც ჩემი ბავშვობის მეგობარი
იყო. მოგეხსენებათ, ყველა ზრდასრული ადამიანი თავიდან
ბავშვია, თუმცა, სამწუხაროდ, ეს ჭეშმარიტება ბევრს აღარც
კი ახსოვს. მოკლედ, თქვენი ნებართვით, მიძღვნის ტექსტს
ამგვარად შევასწორებ: ეძღვნება ლეონ ვერტს, როცა ის
პატარა ბიჭუნა იყო.

I

ბევრი-ბევრი, ექვსი წლისა თუ ვიქნებოდი, როცა ერთ
მშვენიერ დღეს არაჩვეულებრივი სილამაზის წიგნს წავაწყდი
სათაურით – „ნამდვილი ამბები“, რომელიც უღრან ტყეზე
მოგვითხრობდა. ამ წიგნს ამშვენებდა ერთი შესანიშნავი
ნახატი: მახრჩობელა გველი, რომელიც მტაცებელ ცხოველს
ყლაპავს. გთავაზობთ იმ ნახატის ასლს.




იქვე ამოვიკითხე ასეთი რამ: „მახრჩობელა გველი დაუ-
ღეჭად ყლაპავს თავის მსხვერპლს, რის შემდეგაც ვეღარ
ინძრევა, ძილი ერევა და მონელებას დაახლოებით ექვს თვეს
ანდომებს“. მახსოვს, როგორ ჩამაფიქრა მაშინ ამ სიტყვებმა.
წარმოსახვაში ვხედავდი, რა საოცარი თავგადასავლებით
აღსავსე ცხოვრება შეიძლებოდა გაეტარებინა ადამიანს ჯუნ-
გლებში. პირველი ნახატი ფერადი ფანქრით შევასრულე,
დავნომრე კიდეც. ნახატი ნომერი 1 ასეთი გამომივიდა:



ჩემი შედევრი სასწრაფოდ უფროსებს ვაჩვენე, თან გულისგამანვრილებლად ყველას ერთსა და იმავეს ვეკითხებოდი, ჩემი ნახატი შიშის ზარს თუ გცემთ-მეთქი. უბრალო შლაპამ, აბა, როგორ უნდა შეაშინოს ადამიანიო, – უკვირდათ მათ.

სინამდვილეში ჩემს ნახატზე შლაპა კი არა, ბოა იყო გამოსახული, რომელიც სპილოს ინელებდა. მაშინ გადავწყვიტე, რომ ეს მახრჩობელა გველი შიგნიდან დამეხატა, რათა დიდები ჩემს ჩანაფიქრს მიმხვდარიყვნენ. ზრდასრულ ადამიანებს, მოგეხსენებათ, ყოველ ნაბიჯზე ახსნა-განმარტება სჭირდებათ. ნახატი ნომერი 2 აი, ასე გამოიყურებოდა:



დიდებმა მირჩიეს, მახრჩობელა გველებს ნურც შიგნიდან დახატავ და ნურც გარედან, ბევრად აჯობებს, თუ საერთოდ შეეშვები ამ საქმეს და გეოგრაფიით, ისტორიით, არითმეტიკითა და გრამატიკით დაინტერესდებიო. ამგვარად, მივანებე თავი 6 წლის ასაკში ფერმწერის ბრწყინვალე კარი-ერას. ნომერ 1 და ნომერ 2 ნახატების წარუმატებლობამ სა-

კუთარი თავისადმი რწმენა საგრძნობლად შემირყია. უფროსი ადამიანები დამოუკიდებლად ვერაფერს იგებენ, ბავშვების-თვის კი ძალიან დამქანცველია ყველაფრის დაწვრილებით განმარტება და დაღეჭვა.

მოკლედ, იძულებული გავხდი, სხვა ხელობაზე მეფიქრა და არჩევანი თვითმფრინავის პილოტობაზე შევაჩერე. მინდა გითხრათ, რომ თითქმის არ დარჩენილა ადგილი, სადაც არ მიფრენია. აქვე ვალიარებ, გეოგრაფიის ცოდნამ ფასდაუდებელი სამსახური გამინია: არიზონა ჩინეთში არ მერეოდა – თვალის ერთი შევლებითაც ვარჩევდი ერთმანეთისაგან. ერთი სიტყვით, გეოგრაფიის ცოდნა ძალიან სასარგებლოა, თუ ვინიცობაა, ღამე გზა აგებნა.

მთელი ჩემი შეგნებული ცხოვრების განმავლობაში არაერთ სერიოზულ ადამიანს გადავყრივარ. ვინ მოთვლის, რამდენი ნელი გამიტარებია მათ სიახლოვეს. ძალიან ახლოდანაც მინახავს, თუმცა ეს სულაც არ ნიშნავს იმას, რომ მათზე უკეთესი შთაბეჭდილება შემექმნა. როცა გავიცნობდი ზრდასრულ ადამიანს, რომელიც სხვებთან შედარებით მახვილგონიერი მეჩვენებოდა, უმაღლ სურვილი მიპყრობდა, მასზე ექსპერიმენტი ჩამეტარებინა. დავაძრობდი ხოლმე ნახატ ნომერ 1-ს, რომელიც მუდამ თან დამქონდა. უბრალოდ მინდოდა, დამედგინა, მიხვდებოდა თუ არა რამეს. სამწუხაროდ, ყველა ერთსა და იმავეს მშასუხობდა: „ეს შლაპაა“. აბა, რა აზრი ჰქონდა ასეთებთან მახრჩობელა გველებზე, უღრან ტყეებზე ან, გნებავთ, ვარსკვლავებზე ლაპარაკს? ამ დროს ვცდილობდი, როგორც იტყვიან, მათი ინტერესების სფეროს მოვრგებოდი, ესე იგი, ვყბედობდი ბრიჯსა და გოლფზე, პოლიტიკაზე ან სულაც ჰალსტუხებზე. ისინიც, თავიანთი მხრივ, აღფრთოვანებას ვერ მაღავდნენ, რომ ჩემნაირი კეთილგონიერი და განსწავლული ადამიანი გაიცნეს.

II


ვცხოვრობდი ასე – სრულ მარტოობაში, ხმის გამცემი არავინ მეგულებოდა, რომელსაც ზოგჯერ გულს გადა-ვუშლიდი. ასე გრძელდებოდა მანამ, სანამ ექვსი წლის წინ საპარაში იძულებითი დაჯდომა არ მომიხდა. რაღაც ჩაიმ-სხვრა ძრავაში, თან არც ბორტინული მახლდა და არც მგზავრები. თავიდანვე შევეგუე იმ აზრს, რომ შეკეთებას მარტო უნდა შევდგომოდი, რაც ძალიან მძიმე და რთული საქმე იქნებოდა, მაგრამ აუცილებლად უნდა გამომსვლოდა. სიკვდილ-სიცოცხლის საკითხი მედგა. წყალიც მხოლოდ ერთი კვირის სამყოფი თუ დამრჩნოდა.

პირველი ღამე პირდაპირ ქვიშაში მეძინა, უდაბნოში, დასახლებული ადგილიდან დაახლოებით ათასი მილით დაშორებულ ადგილას. ალბათ შუაგულ ოკეანეში, გემის ჩაძირვას სასწაულებრივად გადარჩენილი და შემთხვევით ტივზე მოხვედრილი ადამიანიც კი არ იგრძნობდა თავს ასე ეულად. წარმოიდგინეთ ჩემი გაკვირვება, როცა მეორე დღეს დილაუთენია ვიღაცის წვრილმა, მიკნავებულმა ხმამ გამომაღვიძა.

- გეთაყვა... დამიხატე ბეკეკა!
- აა?
- დამიხატე ბეკეკა!..

ჩემთვის ეს მოწმენდილ ცაზე მეხის გავარდნის ტოლფასი იყო. სასწრაფოდ წამოვხტი ზეზე. თვალები მოვიფშვნიტე, ყურადღებით მივიხედ-მოვიხედე და, დახეთ საოცრებას! – ჩემ წინ არაჩვეულებრივი პატარა ბიჭუნა იდგა და სერიო-

ზული გამომეტყველებით მათვალიერებდა თმის ღერიდან ფეხის ფრჩხილებამდე. აი, საუკეთესო პორტრეტი, რომლის შექმნაც მოგვიანებით შევძელი. ცხადია, ისეთი კარგი ვერ გამომივიდა, როგორიც სინამდვილეში იყო, მაგრამ, ძალიან გთხოვთ, მე ნურაფერს დამაპრალებთ. პასუხი უფროსებს მოჰკითხეთ, რომლებიც ექვსი წლის ასაკში გამუდმებით მიჩინებდნენ, შენგან მხატვარი არ დადგება, შენგან მხატვარი არ დადგებაო. ჩემი, როგორც ფერმწერის კარიერაც სწორედ ამ ჩიჩინმა შეიწირა! მეც სხვა რა გზა მქონდა, მხოლოდ მახრიობელა გველების ხატვით ვიქცევდი თავს. დიახ, ვხატავდი გველებს – გარედან თუ შიგნიდან.



ამ დაუჯერებელ გამოცხადებას თვალებგადმოკარკლუ-ლი შევცემოდი. არ დაგავიწყდეთ, რომ დასახლებული ადგი-ლიდან ათასი მილით მაინც ვიყავი დაცილებული. პატარა ბი-ჭუნას გამომეტყველების გამო აზრადაც კი ვერ გავივლებდი, რომ გზა აებნა, ან კიდევ მშიერ-მწყურვალი და დაზაფრული იყო. არა, იგი ნამდვილად არ ჰგავდა დასახლებული ადგილი-დან ათასი მილით დაშორებულ, ქვიშის ოკეანეში დაკარგულ ბავშვს. როგორც იქნა, მეტყველების უნარი დამიბრუნდა და ამოვლერდე:

– კი მაგრამ... კი მაგრამ, აქ რას აკეთებ?

მან ისევ სერიოზული გამომეტყველებით ხმადაბლა გამი-მეორა:

– გეთაყვა... დამიხატე ბეკეკა.

ეს ყველაფერი იმდენად შთამშეჭდავი, ამოუხსნელი და იდუმალი მეჩვენა, რომ უარის თქმა არც კი გამივლია გულში. როგორ აბსურდულადაც უნდა მოგეჩვენოთ, აქ, ამ უკაც-რიელ ადგილას, სიკვდილ-სიცოცხლის მიჯნაზე მყოფმა, ჯიბიდან ქალალდის ფურცელი და ფანქარი მაინც დავაძ-ვრე. მაგრამ მერე გამახსენდა, რომ ხატვაზე ბევრად უკეთ გეოგრაფია, ისტორია, არითმეტიკა და გრამატიკა მესმოდა და პატარას, ცოტა არ იყოს, ბრაზიანად მივახალე, ხატვა არ ვიცი-მეთქი.

– არა უშავს. დამიხატე ბეკეკა, – იყო პასუხი.

რადგან ჩემს სიცოცხლეში ბეკეკა ერთხელაც არ დამეხა-ტა, ვიფიქრე, მოდი, იმ ორი ნახატიდან, რომლებიც ასე თუ ისე გამომდის, ერთ-ერთს დავუხატავ-მეთქი. ანუ ბოა გარე-დან მქონდა მხედველობაში და პირდაპირ გავოგნდი, როცა ბიჭუნამ შენიშნა:

– არა, არა! მახრჩობელა გველის მუცელში სპილოს ნუ დამიხატავ! მახრჩობელა გველი ძალიან საშიშია, ხოლო